

09. oktober

UKA 2017/21

**Siunnersuut : kinguaasiutigit pinerluttarnermi inatsit nr.XX, XXX.2017-Meersup ersarinnerusungortinneqarnissaa**

(Isumaginninnermut, Ilaqutariinnermut, Naligiissitaanermut Inatsisinillu Atuutsitsinnermut Naalakkersuisoq)

Siumumiit kinguaasiutigit pinerluttarnermi inatsisip ersarinnerusungortikkumallugu siunnersuummut ima oqaaseqassaagut.

Inuiaqatigiit inatsisitigit ileqquminnut tulluuttumik atugaqartinneqarnissaat pisariaqarpoq, inuit akornanni pissusilersoqatigiittarnerit inuiaqatigiinni suut akuerineqarnersut suullu akuerineqanginnerisut paatsoornangitsumik atortinneqassappata.

Inuiaqatigiinni sanngiinnerusutut inissisimasut atornerlunneqarsinnaanerannut inatsisitigit illersorneqarnissaat pisussaaffigaarput. Kinguaasiutigit atornerluinermik pasitsaasaqarnermi - ukiukitsunuuppat innarluutilinnut kikkunnu-lluunniit sanngiinnerusunut tunngappat, pasitsaassisut unnerluutiginnissinnaanissaat uuma siunnersuutip, kinguaasiutigit pinerluttarnermi inatsimmut allannguutissatut siunnersuutip oqinneruler-sissavaa.

Pinerluttulerinermi inatsisip ullutsinnut, inooriaatsitsinnut pisunullu paasiuminarnerullunilu tulluut-tunngorsarlugu naleqqussarneqarnissaa Siumumiit iluaraarput ullutsinnimi kinguaasiutigit atornerluinerit atortorissaarutit Internetsikkut saqqummiunneqartartut takussaaleralluttuinnartillugit qanoq iliuuseqarfigineqarsinnaanissaat pingaaruteqarpoq.

Pinerluttulerinnermut inatsimmi kinguaasiutigit pinerluttarnerit pillugit inatsisip pingaarnertut siunertarai inuup kinguaassiornermik kiffaanngissusaata namminerlu aalajangiinnaassusaata illersornissaat, tassunga ilaalersinneqarlutik katissimanngisamat iliuuserisimasamat tunngasut annertusineqassallutik katissimasamat iliuuserinninnerit ilaalersinneqarlutik, tamanna Siumumiit iluarisimaaratsigu oqaatigissavarput.

Taamatut oqaaseqarluta siunnersuutip aappassaaneernejartinnani Inatsisartut Inatsisinut ataatsimiititaliaanut sukumiisumik suliarineqarnissaa Siumumiit inassutigaarput

Pitsi Høegh

Siumut